

南宮縣志



南宮縣志序

郡縣之有志也昉於周官土訓之職地圖誦訓之掌方志
嗣是而漢有地理志唐有元和郡縣志宋有太平寰宇記
元明以來輿地紀勝方輿紀要武功縣志諸編源源繼作
皆足以備一朝之掌故者然非學有經術通知時事紀述
必提其要纂言必鈎其元雖博引繁稱終未足信今而傳
後也道光辛卯秋南宮宰周君棫重修邑志旣蒞徵言於
余余維南宮爲先賢故里自秦漢以來忠孝節義文學經
濟之彥代不乏人顯微闡幽維賢有司是賴其地廣袤百
有餘里東偏壤接山左武城臨清邱冠諸邑土地廣衍民

南宮縣志

序

一

×××××

物殷蕃膺斯任者必爲與守兼優斯礪之發無慮絲之棼
焉君以進士簡發三輔旋宰是邑比年以來民氣和樂野
無鴻雁之噉里有絃歌之化洵乎善政所被大異乎俗吏
之爲之者今茲邑乘之輯遠採邢胡二編旁臚盧鄭諸說
體裁命意則以陸清獻靈壽志一書爲法易舊志表紀列
傳之名一皆稱志凡爲志十有二爲卷十有六分合增減
一歸明晰而余卽其纂修之迹觀其爲政之心以積貯之
政宜亟也首及於民食補義倉之圖列穀石之數所以籌
豐歉之具圖久遠之規者詳矣其教士也先定學校學出
之制次及書院義學修補膏火之資旁引先賢先儒誥誡

之語復爲圖說以明之又川原爲生民利害所關昔之害
維衡漳今之患在西泊矣烈女爲閨幃觀法所繫遺於昔
者搜訪補之存於今者臚列紀之他若志典禮詳載會典
通禮之節志事異備敘

卹典編賑之

恩職要職詳有典有則非實心求治者曷克臻此夫羔羊之詩
之美君子曰委蛇蓋言爲政者無廢事無留獄退食自公
從容自得猶之禮經紀燕居閒居大雅詠優游伴奭非仕
而優者不足當之斯志之作足以見君之優於仕且仕優
而自得於學之效矣至其書之立法簡嚴修辭雅潔足以
南宮縣志

序

二

備斯邦文獻之徵供他日輶軒之采凡覽者胥能知之重
之余不復多贅云

道光十一年秋七月

直隸分巡清河道五臺徐寅第撰

重修南宮縣志序

江文通曰作史莫難於志龍門扶風諸史皆詳於傳而志畧焉縣之有志唐以前未之聞周官誦訓掌道方志以詔觀事以知地俗漢宣帝纂集天下風土以爲處分語唐宣宗令翰林學士韋澳纂次州縣境土風物及諸利害爲一書要皆備國史之採非自爲志也宋縣志多在南郡北地之志創自明中葉者居其過半余宦遊燕趙間三十餘年所閱諸州縣志或失之冗或失之畧或失之疎或失之陋惟陸稼書先生靈壽一志爲簡貴然編及方言識者猶議之秉筆之難有如是夫道光十年秋余授冀州牧諸暨周南宮縣志

序

君棫宰南宮憲議重修縣志逾年志成請序於余余閱之廉而辨蹟而理贍不過華質不過樸如繪建章宮闕萬戶千門厯厯在目夫南宮古東陽地爲邢洛咽喉代經兵革文獻之徵銷於烽燹我

朝累治重熙涵濡休養二百年兵萌盡息禮教日隆民生其間嬉遊於化日之舒以長蓋千載一時也至欲問有明以前遺事無復有能言之者於古史佚傳殘碑斷碣中存什一於千百安在其能明且備也舊志距今百五十餘年其間人事之變遷風化之移易聲明文物月異而歲不同遲之又久其理替又當如何周君以數萬戶待治之身尋百

南宮縣志敘

南宮縣志其可考者在前明凡二修一修於葉恆嵩再修於邢侗入

國朝來惟孝感胡景銓修於康熙十四年迄今百五十六年所矣其間典禮之闕畧川瀆之湮塞城郭祠廟廨宇之興廢官師之賢能人才之盛衰與夫孝義貞烈之隱沒於窮簷陋巷者爲不少矣若更遲久不修卒使其曠渺而不可稽非守土者是責而誰責歟道光七年冬余奉檄宰斯土詢知修志之宜亟訪邑中有上舍杜兆震者寒士也手錄官司選舉二表老而不倦可以上接胡志無少差失心

南宮縣志

敘

一

×118

竊賢之以爲是掌故之一助亟禮之而掄揚於薦紳之間然自以學識淺陋未敢以志事自任明年調署玉田去九年冬復任邑人士以修志請余維凡事當乘時而因人自胡君修輯以來歷年久遠時則可矣邑人士皆鼓舞歡欣之恐後而又有著作之才炳烺乎其間不煩幣聘而致人用和矣及此不修將失時違眾而隳厥事於是不揣淺陋謀諸進士陳君柱屬以秉筆而延孝廉齊君文振王君楹所泮暨陳君喆嗣鶴年椿年共襄其事開局於十年三月十閱月而稿成以視胡志有刪併其門類者有正其訛者有芟其文而仍其事者若胡志以後百數十年來之人之

事之文悉搜羅而編次之以備採擇後之官斯土與邑之賢士大夫閱斯志而知闕者宜修塞者宜疏廢者宜興賢者慕之思企及盛者持之使勿衰隱者表之使不泯則人心風俗政治之關係胥於是乎在焉事係乎一邑宰邑者之事也而余也才拙任鉅簿書鞅掌之未遑奚暇操鉛槧以從事非陳君諸人殫精竭慮網羅放失胡以薈萃眾事而褒然成編用以繼前徽詔來茲乎無其功而享其成余則不能無愧焉

道光辛卯仲春月

賜進士出身直隸冀州南宮縣知縣諸暨周枻謹序

南宮縣志

敘

二

文川

南宮縣志敘

邑之有志所以廣教化厚風俗備採擇也教化溥於四海風俗基於一邑由縣而上之郡爲郡志由郡而上之省爲省志由省而上之史館爲一統志而採擇必自縣始邑志之所係顧不重哉南宮古兗州地春秋爲先哲南宮子所居漢始名縣至今不改平原廣野土厚水深且邑屬畿輔沐浴

膏澤涵濡

聖化休養生息百餘年於茲矣農安耕鑿士習詩書吏治民風蒸蒸日上洵畿南一善地也邑舊有志修於前明者

南宮縣志

敘

葉志無存邢志闕畧惟

國初胡志係屬全書但距今一百五十六年其間習尚之變遷政事之張弛建置之興廢典禮之沿革以及名臣孝子義士節婦之接踵而起儻及今不修益復無稽何以備史館之採擇非所以廣教化厚風俗也暨陽周邑侯蒞蒞斯土下車之始加意學校修葺東陽書院捐設生童課資嚴立章程俾永遠遵守文風丕振矣又念志久不修無以信今而傳後乃延孝廉前溪齊君研卿柳谷兩王君及

杜子鶴年椿年

亦與焉重加編輯而以

杜總其成

桂薄學

淺陋焉敢膺斯重任但一邑盛事大典攸關幸有賢邑

侯示以指南何敢以弁鄙辭爰自春三月設局東陽書院
日與諸子詳考博稽分類編纂每一卷成送署呈閱公餘
披覽謬蒙許可開加筆削彌復謹嚴至十月始告竣而命
社序之柱思志近於史體裁貴整不整則散義例貴嚴不
嚴則雜考核貴確不確則誣敘述貴詳不詳則漏論斷貴
公不公則私辨証貴明不明則晦直省縣志所以首推靈
壽者稼書先正以大儒之學識而克備斯美也是書規模
一遵靈壽參以他志畧加變通於舊志增其闕畧芟其繁
冗正其訛誤凡見諸經史者備錄全文其志後所續入亦
復博採見聞詳稽家乘矢公矢慎不濫不遺誠不敢謂合
南宮縣志

敘

一

四

於史裁而諸弊庶或免焉其足備史館之採擇無疑矣夫
司徒興賢舉能必始於鄉太史陳詩納價必登於朝南邑
雖蕞爾觀一邑可知天下我

國家重熙累洽一道同風之盛於茲可徵焉 賢邑侯斯
舉其有關於教化風俗也豈淺鮮哉因不揣固陋而爲之
序

道光辛卯年仲春月

賜進士出身原任山西平陽府曲沃縣知縣邑人陳柱謹
序

南宮縣志序

胡景銓

國有史邑有乘其名異其記事一也第史貴嚴書法貴直錄其大不著其小乘則取諸載廣羅博搜有所見有所聞有所傳聞罔不登焉古庶方小侯得各紀其山川風物習俗土宜貢之王國掌之外史藏之內府又歲命小行人周適四方採聽風聞辨悉民隱彙爲一書以報命於王故其時在上者端委南面而九州情形成晰志不綦重哉自後世視爲緩圖故典漸湮志厯數十年弗修殘缺失次夏五郭公卽孔子操觚不能無軼簡也矧渺茲宮邑幾經兵火事多湮沒不亟表著雖美弗彰今

南宮縣志

序

國家四海同風右文興治允輔臣修一統志之請

詔諭各省纂修通志潤色

皇猷固一代盛舉景銓不敏承乏茲土錢穀刑名日以不給是懼而能堪修明之責乎然而封域之分野營建之沿革疆域之廣狹山原川隰之阻修田賦力役之輕重土俗之奢儉廟祀之廢興以及乎物類之不一其產災祥之不一其變官守之不一其秩升舉之不一其選人才之不一其軌公侯也將相也忠臣孝子也仁人義士也貞女烈婦也文藝也武績也行文藝而著述非一端也或人以文重則傳其文或文以人重則傳其人或人不同於邑而爲同於邑

者之文也則人當附方以傳或有治斯邑者之文之人與
往治他邑者之贈之文也則當採以竝傳何莫非長吏所
宜博稽訪求者銓於是莫敢辭復惴惴焉莫敢自任乃進
鄉先生而諮之有教我者曰是志也一修於葉令諱恆嵩
者年遠矣書弗獲存矣再修於邢令諱侗者亦百年遠矣
書雖存存而弗備猶弗存也銓聽之矍然起曰嘻若之何
以弗備者爲志而獻於廷也益復惴惴焉廣耳目竭心思
搜故家之藏集鴻儒之秘審定風謠綜核軼事凡一邑之
所見異辭所聞異辭所傳聞異辭皆一一而考證之其閒
有不逮者則式賢達之廬而藉爲指南登著作之堂而共
爲參稽雖才拙無狀而幸奏成書將百年已墜之典章蔚
然明備於以鼓吹休和奉揚文教敢謂一邑之志非民生
國憲之所係與若夫文有美刺義有褒貶善善也長惡惡也
短此春秋之法史氏之職也彈丸下吏何敢執筆而擬其
事

胡邑侯南宮縣志序

魏裔介

邑之有志猶朝之有史也其不言史而言志者何所以別於史也譬之姓史大宗志小宗也譬之水史四海志百川也今之邑古之侯國耳昔夫子因魯史作春秋史乃成經其後龍門扶風諸君子擅三長之美爲史家絕調卽范曄陳壽歐陽文忠尙有體裁其餘憤憤或入稗官小說者流矣蓋史之難也如此志體不效編年擬史不敢擬經也一邑所載有關於善惡勸懲之大則志而有史之體且得於經之意矣南宮舊志邢子愿先生筆也滄桑事異漫漶滅沒不可復讀且明神宗中年暨今星霜七八十易封域猶

南宮縣志

序

故也而風俗或易矣營建日新也而賦役迥別矣邑大夫之撫字心勞蔽芾載咏賢紳士之功名自奮竹帛競新其他登高作賦遇物能銘彤管流芬鷁飛紀異諸事類及今不爲敘述俟之他日儻文獻無徵以致禮樂缺失豈賢有司表率茲土之義乎此遜齋胡父母所以急於纂輯而煥然麟炳有光琬琰也余讀之而有所感矣志雖一邑其例已同於史若彭縣令之殉難則張巡許遠之義也張昌齡白秉德之文學則駱賓王李巨山之匹也田神功白宗玉之武烈則李光弼王靖遠之亞也李維臺賈道乾之清直劉器之之次也劉濬伯張文西之理學則劉靜

修胡敬齋之傳也韓廷器杜于磬之盛德則石萬石竇燕山之風也張貞女白節婦之困範則曹娥共姜之操也於乎盛矣遜齋胡父母之用心可謂至矣讀斯志也得其全豹有合於經史之大義豈但曰民人社稷關興革之大端已乎

聖天子緝熙懋德光被四表左史右史記動記言木天之彥蒸蒸向風以是而出入承明之廬簪筆文石之陞邑侯眞其選也吾拭目望之矣若其凡例之有變通更易修葺之蒐采纂述具載於編籍之首又何庸余贅時康熙十有二年

六月朔

南宮縣志

序

刑公南宮志序

教諭 鄭宏慶 邑人

余嘗讀刑子愿先生臨邑志喜其簡潔古茂不尙浮華因思余邑志曾出先生手經胡邑侯重修失先生本來面目而原板經兵燹成燼不可復得其書多遺失卽間有舊家珍藏無從訪問數十年懸結於心一旦得之李氏篋中喜不自勝披而讀之其敘次山川以正分野疆圉因著古蹟陵墓市集物產風土作圖經考核自春秋以後推名所由始悉詳所隸作沿革表合城隍堂陞學校郵舍亭臺楯櫓之興作以及釋老之居作建置志援古徵今凡有涉於邑者作事記地丁有征作賦役志鉅典明禋無文咸秩作祠

南宮縣志

序

×川文

祀志爵士榮顯有光於邑作侯王世表在事者習民儆於位著作官師年表邑士大夫用世不同進身有階作科貢年表先事者後事之師作循良傳至於功載竹帛學推吾黨允文允武盡孝盡忠才安於遺女貞其志以及羈人客子羽士緇衣莫不紀其行事詳其顛末作人物列傳附以前君子著作之目名流投贈之文作藝文志凡十有三卷肖古貌今鬚眉具在篇寡字嚴簡帙省縮孰與夫剞精削采言枯而體晦者先生善書法能文章宰吾邑政教卓絕每公務暇竭其聖筆力肩邑乘本葉公五卷而增補之覓盧生鳳舊編而致慨於諸生之亂其稿留神於荒刹古廟

斷碣殘碑中徵其故實彙訂成帙然則先生之勞績胡可
湮也特繕一冊表其章句什襲藏之以示方來原書無序
故總其大略弁於首云

重修南宮縣志序

州縣當古諸侯之國古者列國皆有官紀事周禮所載曰邦國之志曰四方之志其見於左氏傳者繫以地則周志鄭書繫以人則仲虺史佚他若晉乘楚檮杌至魯春秋得聖人而筆削之遂與六經並尊漢則別志於紀傳唐則十道志合百國以成書兩宋迄今郡縣各自爲志志者史裁也自吾鄉桐城夫子作冀州牧倡其史學與冀屬之諸君子相覘合若百穀之沐膏雨又得農夫力田以操作之苗之興也勃然致令人有滿志躊躇之想故遠近學者咸宗仰冀邠輩出史才南邑尤稱盛焉丙申夏承乏斯土下車

南宮縣志

序

一

八三川

後竊喜風俗近古民情安謐閒取其志而讀之時同年侍御孫君讀禮家居時時相過從爲道其周志完善雖較邢志胡志有加而志中一二訛誤惜無出而正之者且歎周志迄今又六十餘年屢經兵燹不第選舉官師時有增益其間忠孝節義精光大不可磨滅之處及時不修守土之責也于是欲延孫君總成而芟緝之已而孫君以待漏樞院不果明年丁酉夏仍執此意謀諸封職孫君建五廣文鄭君芟衫孫君慨然倡其始鄭君亦欣然助之乃延喬君樺香孫君稷生李君雲甫李君有章分纂其事而以城鄉諸知名士任修飾討論之責遂於是年九月開局規模

一秉舊志每成一卷輒受而讀之服其地輿建置攷據不
得從其畧也務詳風土事異記載不得傳其奇也務慎篤
行亮節傳述不得及於褻也務潔儷句駢文著作不得濫
爲登也務嚴鳴乎蔚然明備矣方今海疆日棘必謂此邦
物阜民熙強爲

皇圖粉飾太平凡受

國恩者於心奚忍每念南邑素與東省毘鄰東省現有膠州
之難嗟彼士庶疇莫其居諸公抱良史才曉康濟大義日
益研通中外之學故於志中以恆星考分野洵所謂闕偉
之才心知其意者也邇日輶軒採風興賢舉能當必有應
南宮縣志

序

二

114611

運而起者豈僅爲邑乘光哉事成問序於余余辭不獲已
爰不揣固陋而爲之序
欽加三品銜賞戴花翎特用府調署南宮縣知縣天長戴
世文撰

校刊南宮縣志跋

丙申秋蒞南宮教諭任時邑侯戴公選樓邑紳孫仙實侍
御皆耆中舊雨也適有續修縣志之議杰竭力懇懇挺任
校字督刊之責以附驥尾而誌鴻爪丁酉春開局以採訪
分纂臚錄諸人半多入都應試中止戊戌春復集在事諸
紳當川住局認真撰輯越一年甫脫稿杰與署任邑侯呂
公秋樵公函奉寄保陽蓮池山長吳擊甫先生汝綸鑒訂
先生閱之甚喜畧加修飾未及敘適值庚子拳匪變起先
生毅然東游倉猝間以全稿歸之杰維時

聖駕播遷戎馬倥傯城防吃緊風鶴驚心旋以賠修教堂籌撫

南宮縣志

卷一跋

教民諸事刻無暇晷辛丑壬寅間廣宗景廷賓肇亂奉
督憲袁札飭解散團勇調和民教席不暇暖者數月事粗
定奉

學憲陸行知

奏保送部引

見癸卯正月選授四川鄰水縣知縣領憑赴任特攜此書來署
捐廉選匠開鑄事繁鮮暇命兒子家駒騫分任校字督刊魯
魚亥豕之訛恐所不免閱者鑒之書成特誌原委於簡端
光緒三十年歲次甲辰九月大興鄭杰謹跋於潯陽官廨